

重錄總批官侍郎

學士

校官編修

書寫儒士

團照監主

歐陽所

永樂大典卷之三千五百二十八

九真

門

義門

南史蕭矯傳會稽寒人陳氏有三女無男祖父母年八九十老無所知父篤癰病母不安其室過歲飢三女相率於西湖採菱

尊更日至市貨賣未嘗虧怠多欲娶為婦長女自傷軀獨誓不肯行祖父母尋相繼卒三女自營殯葬為庵舍居墓側鄉里稱為義門吳達之義

興人也嫂亡自賣以葬從祖弟敬伯夫妻荒年被畧賣江北達之有田十畝貨以贖之與同材共宅又讓先世舊田與族弟弟亦不受田遂開廢齋

建元三年詔表其門陳玄子義興人四世同居一百七十武陵邵榮與文獻叔並八世同居東海徐生之武陵范安祖李聖伯范道根並五

世同居零陵譚弘寶衡陽何弘華陽陽黑頭陳從四世同居詔俱表其門蜀郡王績祖華陽郝道福並累世同爨建武三年明帝詔表其門北

史李凡七世同居同財家有二十二房一百九十八口長幼濟濟風禮著聞至于作役卑幼競集鄉里嗟美表其門閩南郡新書博陵崔德總麻親

同爨負元以來言家法者以僊為首僊生六子一登相輔伍任大僚人常
卿昭大府卿部外臺尚書卿廷尉執金吾卿左僕射中書事卿頭及卿五
知舉傳士百四十八人邪昆仲自始仕至貴達亦同居光德里一宅宣皇
間之歎曰崔邪家門孝友可為士族之法矣唐書孝友傳劉君良瀛州饒
陽人四世同居族兄猶同產也門內斗米尺帛無所私隋大業末荒饑妻
勸其異居因易置庭樹為籬令聞且鳴家人恠之妻曰天下亂禽鳥不相
容況人邪君良與兄弟別處月餘密知其計因斥去妻曰爾破吾家召兄
弟流涕以告更復同居貞觀六年表異其間澠水燕談錄唐貞元中調卒
戎邊河中府永樂縣民姚栖雲之父語其兄嗣未立無往某辛已有子請
代兄行遂戰沒塞上時栖雲方三歲後其母再嫁栖雲鞠於伯母如事其
母伯母亡栖雲葬之又招魂葬其父廬於墓次終月哀慕不寐縣令蘇轍
以奉錢買地開阡刻石表之河中尹渾瑊上其事詔加優賜旌表門閭名
其鄉曰孝悌社曰節義里曰敬愛栖雲生岳岳生君儒君儒生師正自岳
至師正四世廬墓五世孫厚六世孫雅七世孫文八世孫敬真九世孫直
十世孫宗明慶曆初本府奏自栖雲十世同居顯有孝行仁宗詔賜旌表
復其僊後十一世孫用和十二世孫德自宗明至德又三世自慶曆至今

又五十餘年。而其家孝友於茲。姚氏世為農。無為學者。家不甚富。田數十頃。聚族百餘口。子孫躬耕農桑。僅給衣食。歷三百餘年。人無異詞者。經唐末五代兵戈亂離。而子孫保守墳墓。骨肉不相離散。求之天下。未或有也。永樂熙寧初。昇隸河東。余元祐中。知河東。以狀列於府。乞特教。奏下其事。史官重加旌表。特免戶下役錢。以旌孝義。以厲風俗。狀下。尚書不報。江州圖經。梅价。德安人。世居縣之湧泉。宋元徽間。桂陽王休範以其宅有祥氣。徙之。而置湧泉觀。唐會昌中有名簡者。始家宛郎。數世族日盛。同居共財。中外肅睦。本朝皇祐間。不肯子訴諸縣。求析居。价力爭之。得不析。价仕至某曹郎官。時王氏鄭氏亦數百口。故德安稱陳梅王鄭焉。廣信府永豐志。鄭承奉。名啓。字君序。世居王陽鄉。以孝義聞。于時常戒其子孫曰。自祖父至吾。未嘗有異志。繼自今。若等資產。毋異籍。出入毋異戶。煙火毋異爨。其子常遵守先志。家及五世。食指千餘。有家範三十三條。守臣趙公汝愚嘉其義。請于朝。淳熙二年。詔賜束帛。其後子孫亦有登仕版者。豈非義方之教歟。一時縉紳大夫。多以詩詠其美。雖遭變之餘。舊址尚存。今五世孫國材者。僅能草創數椽。彷彿佛前人之遺意。劉元迪嘗為作義居記。宋類苑。鄆州須城縣楊村民張成者。其家自館至誠。六代同居。凡百一十七口。內外

無間言衣裳無常焉旦日家長坐堂上率子弟而分職事罔不祇勤張氏世無冠冕者不讀書耕田捕魚為業無蓄積歲給一歲而能人人孝悌友

順六世幾二百年百餘口無一日少異亦可尚也

郡縣志常德府龍陽縣東五十里有孝感義門

晉古義門

元一統志

晉古義門在海鹽州西一十八里吳地志云里人李祥與晉將軍袁宏蔡瑁於滬濱禦孫靈芳崧為賊所害祥突白刃收崧尸歸葬時人義之因名其地曰教義里

王氏義門

北史王閼北海密人數世同居有百口並共財產家門雍睦鄉里敬異有司申

旌其門曰義門

奏皆表門閭宋史王庠哲宗

裴氏義門

新唐書裴敬彝傳裴敬彝時人累世同居號義門王氏曾祖子通隋開皇中以大

中大夫居母喪哭母喪明有白烏巢塚繼兄

弟八人皆為名孝詔表門閭世謂義門裴氏

褚氏義門

元一統志褚都督義

門在松滋縣鄭鄉題詩云貞觀得奇士子孫宅荆土一家五百口六世同所居

宋氏義門

瑞州府志宋練高安人以孝行

聞四世同居唐咸通九年觀察使裴休表其行義於朝遂旌其門事見唐孝友傳元程雪樓集寧懷宋氏義門清明恩澤新旌表玉署詩文互發

揮從此義門聲價大兒孫莫違古風徽元張文穆公集題宋氏義門群
森知敬義門李一思曹傳九世張勝有韋懷佳話在千年旌表向輝煌

盛世可封常比屋世皆循吏傳應無
抵今空谷足然喜筆底春風有鉅儒
陳氏義門 江州圖經南唐陳
崇唐徵士伯宣後

也伯宣孫旺生機機生感感生蘭蘭生青六子仇侍仲僊傳仲六而十七
十七而三十四七世同居內外二百口家道益昌朝廷表其閭崇仲子也
有才識以檢校散騎常侍兼御史大夫為江州長史謀於眾曰我家累世
餘慶子孫衆多上下和睦然恐雲仍漸夥愚知不同苟無肅睦之方恐乖
負荷之理今欲維之以局務定之以規程推功任能勸善懲惡使公私財
用之覺冠婚喪祭之等衣食輿馬之給予孫可以世守何如眾曰善乃立
主事一令副二人睦上下轄長級侍賓親提局務會財用庫司二令行賞
罰管莊宅送稅租司契書時出納立宅庫十一人隸主事一令主酒漿二
令主倉庫二令主園圃牧畜四令主近莊禾稼桑柘新歲立開勘司一令
掌歷卜主男女之生死婚姻排行諸莊各置首一令副一令主田地耕種
營殖近莊初書堂置掌書一令主延師及教成才近宅初小學置先生二
令授童蒙而皆以族長主之一人學賢以備疾病一人學巫卜以備塚宅

占禱家故有道院擇好道者奉焚修時大順元年也然後室無私財厨無別饌每男女食合坐一廣室少者別席不畜婢僕人無閒言子孫有常業鷹犬之玩非聖之書商販之輩皆禁勿習鄉里率化訟為之少皆崇之教也崇寧官至銀青光祿大夫太師至上柱國南唐昇元中至三百口旌表孝悌特立義門本朝平江南守張霽首加存恤在園中者七人城破兵民皆死惟七人異處而同歸人以為孝感至開寶歲七百口家有大百餘共一甌餽一犬不至群犬皆不食崇之後有蒲圻令勛德安令政吉王府司馬權江州司士參軍試奉禮郎蔡洪州書記蔡知舞陽縣密渭州推官賞都知兵馬使珠衡前兵馬使讓感義軍都頭部討擊副使輝館驛副使譙教練使鴻節度押衙二人珪儔節度總管三人鏐源霽舉進士九人避儼度漸績誘水陳延年舉三傳四入昭昱琛早三史三禮各一人鄧用早自有傳陳早義門子也時聚族增至千口本州再徵南唐以來所蠲雜配嘗詣闕訴之詔免差役而已興國七年轉運使張齊賢奏陳氏在李煜時尚蒙蠲放歸聖朝後豈可復徵淳化初陳氏食不贍守康戡奏每年春首貸米二千斛侯豐年還官太宗皆從之至道中仍歲早饑舉宗聚粥雜以薄菜早以次為長州貸米早請其半曰畜而食之自可及秋或謂曰何不受

而糴之以邀善價。早曰：朝廷以早族大歲，歛特以王賦貸私室，可見利忘義。為罔上之事乎？上聞而嘉之。曰：陳早一家孝友恭儉無比，世守家法，孝謹不衰，閭門之內肅如公庭，可尚也。時遣內侍裴愈、胥御書散賜江南寺觀及德義之家。早得三十有三本，愈回奏陳氏家法二篇。上歎曰：天下有此人家，真良家也。遂史館繕寫，賜諸王公各一本。咸平三年，增至一千四百七十八。胡旦為之碑，其後口聚餘三千。遂析居。後罹建炎寇禍，有繼建者七，傳至建炎又百餘口，不蓄私財，一遵祖範。嘉定中，炎詣帥府，自陳下州覈實而上之。寧宗詔旌其門書真良家三字，賜之。德安宗聖訓也。德安志義門陳氏，胡旦撰義門碑，其略曰：按陳氏家譜，陳宜都王叔名之後。五世孫兼，唐元宗時舉進士，為右補闕，兼生京。京進士及第，德宗朝官至給事中，集賢院學士。無子，以從子褒為嗣。生淮，為高安縣丞。其後避難於泉州，生伯宣，隱居廬山。註司馬遷史記行於世。詔徵不起，就拜著作佐郎。孫旺，徙居德安縣之太平鄉，常樂里。旺生機，機生感，感生蘭，蘭生青，青生六子，六而十七，十七而三十四。自是家益昌族，益盛。仲子崇，以治家之道為人之本，乃撰家法，垂示將來。室無私財，厨無私饌，大小之教，內外如一。於是為江州長史。家法之行，始於大唐大順元年庚戌也。至褒為司戶參

軍試太常寺奉禮部僞唐旌表孝陳標揭門閭於是陳氏特立義門始於
昇元元年丁酉也至道中宋太宗遣內侍裴愈賁御書散江表志吳山寺
觀德義之家皆賜之陳氏所得凡三十三卷藏之于家愈復工陳氏家法
二篇太宗曰天下有此人家真良家也始者陳氏二百今而家法行三百
日而義門立開寶之季計七百四十口咸平三年增至一千四百七十八
又徐鉉江南錄鄭文寶江表志載陳氏長幼七百口不畜僕妾上下睦姻
人無間言每食群坐廣堂未成人者別為一廡有大百餘亦置一船共食
或一天他適不至則群犬昂首相候不食此義氣所感而然也其陳崇有
家法叙曰易云家正則天下大定是知治家之道古猶病諸故聖人垂五
教敦九族使後之人倫勤而行之自非聖人不可庶幾乎我家繫秘監之
累功承著作之貽訓代專孝弟業繼典墳繇是子孫衆多上下和睦存沒
十代曾玄二百今粗副孫謀致其餘慶我聖人誕敷孝治恢振義風錫
以渥恩表之閭巷勅焉榮耀幸異鄉民得不以知足宅心惡盈是懼哉崇
所感者殆恐將來昆雲漸衆愚智不同苟無敦睦之方慮乖負荷之理今
設之以局務垂之以規程推功任能懲惡勸善公私出納之式男女婚嫁
之儀蠶事衣粧貲財飲食必合均等務要和同掌令子子孫孫無間言而

守義範也。銀青光祿大夫檢校右散騎常侍守江州刺史兼御史大夫上柱國賜紫金魚袋姪崇議定。陳蘊江州民也。聚居二百年。家二千口。蘊年八十鄉黨稱其德。仁宗間之曰良民一鄉之表也。旌之則為善者勸。乃賜蘊本州助教江南餘載曹翰屠江州。唯類無所縱。而義門陳氏昆弟七人散城中。事定皆還。無所損。以為孝義之感。徐鉉撰義門陳氏書堂記。有男女長幼以屬會之辭。既以授之。又密令寫碑人自於末添一食字。或問其故。鉉曰非食無以義聚。欲以此一字為陳氏子孫之誡耳。

表氏義門

豫章續志表萬頃字元量其先表牧為宋大夫

十七世孫寮任西晉居婺女子尚徙居會稽自尚至治二十一世家無異爨聚族六百宋真宗祥符六年詔旌表表氏義門學海詒謀大中祥符四年十二月己未。越州言會稽縣民表承詢同居十九世家無異爨。詔旌表其門閭。屈指今二百三十六年。垂其號義門如故也。余嘗至其村。故廳事猶在。族人雖異居。同在一村中。世推一人為表。有事取決。則坐於廳事。有竹簞亦世相授矣。族長欲撻有罪者。則用之。歲時會拜同飲。咸在。至今免役不知十九世而下。今又幾世也。余嘗思之。表氏力農無為士大夫者。所以能久聚而不散。苟有驥貴超顯之人。則有非族長所能令者。况貴賤殊

澄。炎涼異趣。父兄雖守之。子孫亦將變之。義者將為不義矣。袁氏雖無顯者。子孫世守其業。猶為大族。勝於乍盛乍衰者多矣。天之祐袁氏者。豈不甚厚乎。會稽縣志。平水雲門之間。有袁氏。自齊梁以來。七百餘年。無異。子弟或為士。或為農。鄉黨稱其行。大中祥符四年。用州奏旌其門閭。是時袁氏義居已十有九世。閭門三百口。其族長曰承詢。至嘉泰初。又五六世。蓋二十四五世矣。猶如故聚。族亦如於昔。鄉人謂嘗有餽瓜者。族長集小兒十三歲以下百餘人。使自取之。各相推避。以長幼持去。其習為廉遜如此。至今共一廳。尚頗闢壯。有孫威敏公題字存焉。至和中。李侍制允題詩有云。夫何於會稽。卓然有袁氏。同居六百年。相聚三十擁。昔賢欽義方。列奏聞天子。詔恩表門閭。光華映閭里。其後又有族老季光。以所藏今昔留題詩刻石傳。慎作序焉。所謂旌表門閭者。唐以來有廳事步櫺。前列屏樹。馬頭正門。閭闊一丈二尺。馬頭二柱。端冒以瓦桶。梁雙闕一丈。在馬頭門之南。三丈七尺。夾植槐柳。十有五步。五代多故。不能如故事。晉天福中。乃較度地之宜。高其外門。門施緯櫺。左右築臺。高一丈二尺。廣狹方正。稱馬坊。以白而赤其四角。今袁氏蓋用此制。自平水適雲門者。望其旌表在道旁數十步。祖宗所以崇孝悌。勵風化者至矣。袁氏旌表之役。六十七年。而上

虞縣劉承詔繼之熙寧十年趙清獻公為守得上虞縣劉承詔唐墓公德威之裔德威五世孫愉避黃巢亂自河南徙上虞至承詔十世聚族四百餘口內外無間言畜犬化之一犬不至群犬皆不食號孝義劉家清獻公嘆異以其事聞于朝有詔旌表門閭復其徭役清獻公為之記故尚書胡公沂賦詩贈

胡氏義門

豫章續志胡直孺字少汲其先宿州宿遷人後徙豫章之奉新為著姓曾祖仲容嘗

為光祿寺丞家居聚族八百餘人有旌表義門胡家雍熙間召對賜御書人以為榮

許氏義門

江州圖經許

人世不異財至祚凡八世長幼七百八十一口祚撫輯中外無間言鄉里稱之太平興國七年江州守臣奏詔旌門閭

桂氏義

門

池州府志孝義門在石埭縣西一百里望族桂氏累世同居宋朝旌表其門閭至今其鄉有孝義社

周氏義門

元一統志廣信府鉛山縣宋周欽若居前岡三世不分詔旌表門閭令長吏致禮免差役

鄧氏義門

瑞州府志鄧文瑞高

安人四世同居五百餘口長幼嫺睦衣食無異朝廷嘉其義命表其里故其鄉得名旌表今玉虛觀即其故居

吳氏義門

瑞陽志吳起孫字誠甫其先汴梁人宋靖康間祖大同知華亭縣因寓居筠州大同紹外祖鄧賢博家業迄誠甫凡九世一門義聚百口同爨素無恒產資醫術以供食損宋咸淳間太守吳益特書義門二大字以扁其間甲戌兵燬至大壬子本路保申憲司體覆行省咨聞議行旌表今鄉里尚稱為義門

吳氏云

晉氏義門

平陽志義門在石樓縣西五十里居民晉賢嘗六世同居元大德年間旌其門宅廢而門

獨存鄭氏義門

元史鄭文嗣婺州浦江人其家十世同居凡二百四十餘年一錢尺帛無敢私武宗至大間表其門文嗣

淡從弟大和繼主家事益嚴而有恩家庭中漂如公府子弟稍有過頌白者猶鞭之每遇歲時大和坐堂上群從子皆盛衣冠鴈行立左序下以次進拜跪奉觴上壽畢皆肅容拱手自右趨出足武相衛無敢差者見者嗟慕謂有三代遺風狀間復其家部使者余闕為書東浙第一家以褒之國朝鄭氏麟溪集義門曲王晏元來行高麗人有脚莫踏不義門有地莫種惡木根惡木雖惡猶可斲不義之人可不分相違抵在錐刀末弟兄反目使相奪嗷嗷宣但媿鴻鴈肩却圓冠與方褐鼎鑪有耳猶足嗟汝何不聞鄭公家同居百口到總麻李孝光字季初號五峯永嘉樂成人著作

卽南有嘉樹鳳鳥所巢君子之孝君子是微予何微矣有踐者禮匪予能
孝自予祖稱先祖相宅猶泉之源豈不貽世而延其綿擊鼓之鐘兄弟厲
行術術東來執德孔明伯也甚敬大冠燕處叔也絃歌陳其豆俎有斝而
揖錦紳佩褱數視諸父視其舉趾匪夫之良有似有媒瑟彼中饋饋酒
醕設我話言自我諸昆群弟具聽有闕其敬毋徇母怠母詒母淫母聽婦
言毋謹我庭嗟嗟話言胡獨爾行凡人有家用爾為訓尚顧子孫終永無
惑作嘉樹之歌以勗明德祁君璧字伯溫廣西廉訪副使一門千指八
世同居嗚呼鄭氏宜表其閭彭果字仲愈上饒人有歸者門摩霄切雲
丕昭人文鱗集而充櫛比而從伊鄭之宗桓桓其振模臬孔明截闕于行
重慶在堂曾玄日昌有質必良父教子歲兄愛弟欽樂且弗淫服五而窮
世九而同益衍以隆黼黻羽儀學師學師維禎之幾牛蹄角千其龍百彙
共牢弗違天將孔揚以顯休光聞于聖皇帝皇曰都爾嗣克圖宜旌爾廬
絲出而綸玉輝璘璘勅我子臣絢爛非煙膏露醴泉三秀植焉童叟期
作息娛嬉益勸而規其規維何百思一和永天弗頽彼張顯唐此陳九江
孰與比量意賦汗流德色鋤稂於臂軋餽目留于塵心管于漸弗死曷保
蒲江之源汗浩澄淵可浥其消伊我斯人孝友同歸天下無為斯門斯言

千萬億年與國永傳。林以順字子本莆田人。延祐辛酉進士。浦江縣君。稽古聖神。明德修身。首念九族。一身之分。族不易睦。睦之以親族。不徒叙敘之必悖。悖悖親親。民變俗淳。比屋可封。孰專美名。蓋聞其風。降自華飭。昔之所親。今為塗人。昔之所悖。今反少恩。後聖繼作。建極叙倫。汨沒之中。善端或明。義夫節婦。孝子順孫。有一于此。朝上夕旌。矧自祖父。至于後昆。總功以降。娣姒異姻。內外執役。千指孔群。同牢共食。爰及大脰。堂與之內。悖睦風存。節義孝順。首行具聞。義孰大焉。宜書其門。余長浦陽邑。有鄭君。華其五世。八世復新。蠲徭之命。自天申之。鄭君曰噫。曷以稱之。聚骸有土。聚穀有囷。將廣此義。卹荒惠貧。敢曰自佚。以病鄉鄰。吾思安之。惟義是遵。余謂鄭氏克弊之民。世世勿替。用徵斯文。許士穀字弘之。東陽人。集詩。自有斐君子在彼空谷。兄及弟矣。溫其如玉。毳毼同心。受天百祿。所謂伊人。其何能淑。好言自口。則具是依。考言自口。則具是違。他人有喪。經之營之。載飢載渴。食之飲之。治比其鄰。于胥樂兮。哀今之人。二三其德。逝不古處。以極反側。謂他人父。日用飲食。終遠兄弟。載胥及溺。外禦其侮。則不可得。誰為此禍。生自婦人。本實先撥。終窶且貧。豈弟君子。實獲我心。乃如之人兮。手嗟麟兮。是以有譽處兮。宜爾子孫振振兮。廉忠山凱雅字公慶。

畏凡兄。江西省石季於惟皇元風俗淳美比屋可封廣輪疆里漸左浦
汙民有鄭氏鄭氏伊阿孝義踐履九世同居百代同祀肅肅季昆雅雅姊
姒教誨有章勤儉有紀旌表褒崇列名青史令譽四聞慎保終始觀茲盛
典昭示孫子方厥宇詔興號存雅滿江今宋容州又學詩九十二首人
愛渭水清華竟河流渾不知黃虞世何處覓旌門旌門縱百世豈能外
彝倫只因風氣滿遂表為義民麟溪有寒泉西流類抱紳泉聲偏寒耳
亂却北鷄晨夜帳潑煙黑秋缸吐火紅六世孝友家元屬書聲中爛
銀鋪作勝碑楔何崔崔尸神似相語莫違阿奴來人心一遭盡五官皆
作廢不廢斯千詩却聽燃箕歌兄弟本一氣為利分爾汝借問嗜利人
千載得不死鷄鵠巢滿林何地不感惻若非慈烏啼血淚收不得我
身乃親有況此身外物世人果何思肝膽每相賊當年朱兩轡回首血
在頤爭如義門鬼千載不饒而何人非楊椿如椿能幾今只緣本心死
所以有緇磷大樹大十圍枝葉日敷蕃願增百尺土庇此千歲根傳
野字景文義烏人詩凡五百南山有嘉樹逢春發華滋本根既以固枝葉
巧相扶抵緣一氣生何處有盈虧春秋雖代序同榮復同枯如何兄弟間
休戚遽爾殊功總且不保遑恤到本初所以孝義家旌門正渠渠澗河

盡求岳中有鄭公鄉北闕賜旌書高門何煌煌煌煌定何如白璧歸明鑄
曷以能致之六世共一堂不知燕雀中見此朱鳳翔人生百年中奄習
若塵飛朝聞金谷歌暮聞薤露悲既有令兄弟中堂共徘徊何不日鼓瑟
何不日高歌彼哉懔懔傳割戶各騁私騁私駁有得奈此大義垂遠邈
漢星光鳴鴈忽南翔鳴聲一何悲萬里有凝霜凝霜雖苦寒願影自成行
感物有如此中心如沸羹願為雙飛龍勿為參與商兄弟同一身此語安
可忘海水黑沉沉白石白如脂白石不可移海水無竭時願此旌義家
千載以為期不比春園花飄搖隨塵泥我恨無羽翮莫逐晨風來儂山有
神藥翠實方縫鞋金蘭子是苦蒲江今浦陽橫大江江水如帶環中有
義男子義門第五世有二兄弟曰德珪德璋德璋被誣罪當死德珪以身
代行德璋追及之事相欲死德珪伺隙去赴獄卒不還義男指德珪也頭
戴芙蓉冠一解有弟方少年紫髯頰玉面共坐觀龍聞朝夕一相遠二解
黃昏風沙暗有吏夜打門縣家文書至使過揚州行三解男子一聞之哀
痛心欲折井泉有時乳淚眼何能竭四解仰告蒼天我心一何悲一弟
不能蔽織生徒爾為五解振衣隨吏去脚踏東門路淚灑青蘭花蘭花亦
憔悴六解弟往告司臬司臬舌如捫使挽天河水莫洗九泉冤七解收骨